

Moattr — dr Göikr schreit,
's wörd Tog, 's is Zeit!
Stäh' auf! — höarscht nit die örschta Larch?
I weck die Buam und Mädli in dr Kammer
und houl mei Sans'n und 'n Dengelhammer —
mr schneid'n heint bei'n neua Barg.

Kinner — dr Göikr schreit,
's wörd Tog, 's is Zeit!
Dr Arnstle söll die Maschin' zammricht;
die Mädli hälfa drüam dr Moattr,
dr Knacht geit schnall dr Küah 's Foattr —
's Fräle 'n Harrgottssäg'n spricht.

Härkla — dr Göikr schreit,
's wörd Tog, 's is Zeit!
Dr Kleenst reibt si die Aag'n aus:
„Großvattr, dr Morngstarn gäht unner,
die Amscheli sen aa scho munner —
o Härkla, döaf i aa mit naus?“

Büawla — dr Göikr schreit,
gäh' roo, 's is Zeit!
Hoarch, wia in Stool 's Öchsla brummt;
di Waaga roll'n glei aus dr Scheur,
vu'n Himmel brönnt hoachflammeds Feuer —
Bua! — wenn när kee Gawittr kummt!

Andreas Pfister